

Ein Freybrieff oder Passport/so ein Hauptman oder hohe Oberkeit allen Marketennern/Commissariern/ Einkaufern/ vnd allen denen/so einem Feldlager zu bringen müssen/zu geben schuldig ist auff Wasser vnd Lande.

**I**ch A. A. von A. Churf. Gn. bestelter Hauptmann/ vber ein Fendlin Kriegsvolck/bekene mit Zeigers öffentlichem Patent vor jedermänniglich/das ich gegenwertigen A. A. von A. zu meinem vnterhabenden Kriegsvolck/ für einen geschwornen Marketenner auff vnd angenommen habe/auch mit sonderlichen pflichten vnd Eyden verhasst/das er soll vnd wil vorgemeltem Fendlin ins Lager zubringen/führen/treiben vnd tragen/allerley notturfftige War vnd Gut/an Proniandt/Wein/Birr/Brodte/Fleisch/Räb vñ Butter/was ein jeder Kriegzman nötig behufft/wil sich auch gegen jedermänniglich mit gutem handel vnd wandel/in kauffen vnd verkauffen/ehrlich vnd auffrichtig verhalten. Serentwegen gelanget an alle Herrschafften/Regenten/Oberkeiten vnd ihrer Stette/Markte Flecken/Dörffer/verordnete Bürgermeister vñ Rath/Amptleute/Schultheiß oder Richter/mein vnderthänig dienstwilligs bitten/vorgemelte Marketenner in eweren Stetten vnd öffentlichen Märkten ein vnd außlassen/bey Bürger vnd Bauern vergönnen/zu kauffen für sein Gelt/was billich/vnd ihm dienstlich ist/auch mit gefauffter Wahr vnd Gut/sicher vnd frey/zu Wasser vnd Lande/bey allen Zoll vnd Gleitsheusern für vber reysen lassen/Vnd ob er erwan von Landtstreichern ange tastet oder er beraubt würde/vnd er die nechsten Ampt oder Dorffgemein im fal der not vmb rettung anlänget/das man ihnen von Strassenfreyer Geerechtigkeit willen wolle beyfallen/vnd zu hülffkommen. Solches vñ dergleichen/bin ich vmb einen jeden nach vermöge vnd Standes erforderung/nach höchstem vermöge in lieb vñ gunst dienstbar zu verschulden erbietig Zu mehrem glauben vnd frefftiger Wahrheit/vñ zu verkund mit meinem Adelichen/angeborenen Perschafft/mit verzeichneter Hand befertiget. Geben vnd geschehen.

# Etliche formen Paß

porten zugeben/im Namen der hohen Oberkeit.

Ich